

## Ҳар бир нарсага кифоя қилувчи зикр ва дуо



04:00 / 16.08.2022 3530

Имом Насайй Муъоз ибн Жабал розияллоҳу анҳудан, у киши ўз оталаридан ривоят қилган ҳадисда қуйидагилар айтилади:

«Бир куни ёмғир ва зулматда қолиб, Расулуллоҳ соллаллоҳу алайҳи васалламнинг бизга намозга ўтишларига интизор бўлдик. Бас, у зот соллаллоҳу алайҳи васаллам чиқдилар ва:

«Айт», дедилар.

«Нимани айтаман?» дедим.

«Ҳар кеч ва ҳар тонгда уч марта «Қул ҳуваллоҳу аҳад»ни ва икки «Қул аъзу»ни ўқисанг, ҳар бир нарсага кифоя қилади», дедилар».

**- Мурид имкони борича кўпроқ лафзи жалолани - «Аллоҳ» лафзини ихлос билан такрорлаб юради.**

Зотан, бу зикрни доимо қилиб юриш Нақшбандия тариқатининг ўзига хос тарафларидан биридир. Бунда банданинг тили доимо Аллоҳ таолонинг зикри билан ҳўл бўлиб туради.

**- Одатда мазкур зикрлар Бомдод намозидан кейин, қуёш чиққунча қилинади.**

Чунки бу вақт энг фазилатли вақтлардан биридир.